

07.09.2020.

Uspješno implementiran „covid“zakon; privrednim subjektima isplaćeno 555.000 KM na ime neisplaćenih naknada za majke porodilje iz 2017. i 2018. godine



Okončana je realizacija Zakona o ublažavanju negativnih posljedica uzrokovanim stanjem nesreće na području Bosansko-podrinjskog kantona Goražde čijom implementacijom je iz Budžeta ovog kanton, odnosno sa “Covid” računa Vlade, kao mjera pomoći privrednim subjektima, obrtnicima, zdravstvenim ustanovama, penzionerima i socijalno ugroženom stanovništvu isplaćeno **više od milion KM**.

Donošenjem ovog zakona i obezbjeđenjem sredstava na posebnom namjenskom računu , kao i nizom propratnih odluka, Vlada i Skupština Bosansko-podrinjskog kantona Goražde pravovremeno su i među prvima u Federaciji adekvatno reagovali s ciljem ublažavanja

negativnih posljedica pandemije koronavirusa, naglašeno je na današnjoj press konferenciji premijerke BPK Goražde **Aide Obuće**, ministra za privredu **Mensada Arnauta** i ministra za finansije u Vladi BPK Goražde

Esada Kanlića

Osim iznesenih podataka o uspješnoj implementaciji „covid“ zakona, na press konferenciji iznesen je i podatak da je Vlada BPK zahvaljujući podršci iz Budžeta Federacije BiH u petak, 04.septembra isplatila sumu od 555.000 KM za oko 50 privrednih subjekata na ime neisplaćenih naknada za majke porodilje iz 2017. i 2018. godine čime je ispunjena i ta zakonska obaveza koju je kanton imao prema privrednim subjektima.

Kako je ovom prilikom istaknuto, za saniranje posljedica pandemije CODID-a 19 sredstva u iznosu od **642.912,00 KM** isplaćena su za **2.722** radnika;**200.000,00 KM** dobile su zdravstvene ustanove, a **127.600,0**

0 KM

isplaćeno je po osnovu javnog poziva za dodjelu jednokratne novčane pomoći za 2552 penzionera sa najnižom isplaćenom penzijom u FBiH i licima starijim od 65 godina koji su u vrijeme trajanja stanja nesreće bili u stanju socijalne potrebe.

Tako je odlukama Vlade 91 privredni subjekt, odnosno 178 radnika dobilo sredstva za pola martovske plaće, u što je utrošeno **36.490, 00 KM** .

Za 17 privrednih društava (86 radnika), te 112 korisnika obrta (198 radnika), po osnovu plaće za april isplaćena su sredstva u iznosu od **34.916,00 KM**, odnosno **80.388, 00 KM**.

Za mjesec maj, Vlada je isplatila **78.362,00 KM** za 114 obrtnika (193) radnika, kao i **24.766,00 KM** za 17 privrednih društava, odnosno 61 radnika.



Uspješno implementiran „covid“zakon; privrednim subjektima isplaćeno 555.000 KM na ime neisplaćenih



